

ადმოსავლეთ ევროპის უნივერსიტეტის კლუბ PsyQuilibrium-ის წესდება

1. ზოგადი დებულება

- 1.1. წინამდებარე წესდება განსაზღვრავს შპს ადმოსავლეთ ევროპის უნივერსიტეტში (შემდგომში-„უნივერსიტეტი“) PsyQuilibrium-ის კლუბის (შემდგომში-„კლუბი“) უფლებამოსილებებს, მისი საქმიანობის ძირითად პრინციპებსა და მიზნებს.
- 1.2. PsyQuilibrium-ი წარმოადგენს საერთო სასწავლო-სამეცნიერო ინტერესის/მიზნების ირგვლივ სტუდენტების ნებაყოფლობით გაერთიანებას, რომელიც იქმნება უნივერსიტეტის ბაზაზე სტუდენტთა შორის სტუდენტთა ექსტრაკურსულარულ და ცნობიერების ამაღლების მიზნით.
- 1.3. კლუბი იქმნება და ფუნქციონირებს წინამდებარე წესდებით დადგენილი წესების დაცვით
- 1.4. კლუბს აქვს საკუთარი ლოგო, საკონტაქტო ელ-ფოსტა და უნივერსიტეტის ოფიციალურ ვებსაიტზე საკუთარი გვერდი.
- 1.5. კლუბის შექმნის/რეგისტრაციისა და გაუქმების შესახებ გადაწყვეტილებას იღებს კლუბის მხარდაჭერისა და განვითარების საბჭო.
- 1.6. კლუბი ანგარიშვალდებულია კლუბების მხარდაჭერისა და განვითარების საბჭოს წინაშე.
- 1.7 კლუბი თავის საქმიანობაში ხელმძღვანელობს საქართველოს კანონმდებლობით, ადმოსავლეთ ევროპის უნივერსიტეტის სტუდენტური კლუბის დებულებით, წინამდებარე წესდებითა და უნივერსიტეტის სამართლებრივი აქტებით.

2. კლუბის მიზნები და ამოცანები

2.1 კლუბის მიზანია:

ა) სწავლების ყველა (ბაკალავრიატის, მაგისტრატურის, ერთსაფეხურიანი და დოქტორანტურის) საფეხურის სტუდენტებს ხელს შეუწყობს ფსიქოლოგიური საკითხების პოპულარიზაციას, დებატებში სტუდენტთა ჩართულობასა და მათთვის ფსიქოლოგიური მიმართულებით საინტერესო საკითხების სიღრმისეულ განხილვაში.

ბ) ხელი შეუწყოს ფსიქოლოგიური მიმართულებით სტუდენტთა ინიციატივების მხარდაჭერას და მათი იდეების სტიმულირებას;

2.2. კლუბის ფუნქციები და ამოცანები:

ა) ფსიქოლოგიური პრინციპების პოპულარიზაცია საუნივერსიტეტო სივრცეში; კლუბი ასევე ორგანიზებას უწევს კამპანიებს, სემინარებს, ვორქშოპებს და სხვა აქტივობებს, რომლებიც დაკავშირებულია ფსიქოლოგიურ საკითხებთან;

ბ) კლუბი ხელს შეუწყობს სტუდენტთა შორის ურთიერთობების განვითარებასა და გუნდური მუშაობის პრინციპების დამკვიდრებას;

გ) საერთაშორისო თუ ადგილობრივ მსგავს სტუდენტურ ორგანიზაციებთან, კლუბებთან მჭიდრო კავშირი/კომუნიკაცია საკლუბო დონეზე;

3. კლუბის სტრუქტურა და ადმინისტრირება

3.1. PsyQuilibrium-ს ხელმძღვანელობს პრეზიდენტი, რომელიც ანგარიშვალდებულია კლუბების მხარდაჭერისა და განვითარების საბჭოს წინაშე.

3.2 კლუბის თანამდებობები და სტრუქტურული ერთეულები

ა) პრეზიდენტი

ბ) ორი ვიცე-პრეზიდენტი

გ) კლუბის ძირითადი წევრები

დ) კლუბის რიგითი წევრები

3.3 კლუბის პრეზიდენტის უფლებები:

ა) ხელმძღვანელობს კლუბის საქმიანობას და პასუხისმგებელია კლუბის საქმიანობის ხარისხიან წარმართვაზე;

ბ) პასუხისმგებელია კლუბის ცნობადობის გაზრდაზე;

გ) ხელს უწყობს კლუბში იდეების გენერირებას და კლუბის ქმედითუნარიანობას;

დ) ახორციელებს წინამდებარე წესდებით განსაზღვრულ სხვა უფლებამოსილებებს;

ე) კლუბის პრეზიდენტის არჩევა ხდება 2 წლის ვადით, კლუბის წევრთა საერთო რაოდენობის ხმათა უმრავლესობით (<https://electionbuddy.com/> ელექტრონულად ხმის მიცემის ანონიმური პლატფორმის გამოყენებით).

3.4 ვიცე-პრეზიდენტების უფლებები

ა) კლუბს ჰყავს ორი ვიცე-პრეზიდენტი, რომლებიც ზედამხედველობას უწევენ საზოგადოებასთან ურთიერთობისა (PR) და პროექტ-მენეჯმენტის (PM) გუნდებს.

ბ) საზოგადოებასთან ურთიერთობის (PR) გუნდი შედგება: ფოტოგრაფისგან, კონტენტ-კრეატორისაგან და სტუდენტებთან კომუნიკაციის სპეციალისტისაგან.

გ) პროექტ-მენეჯმენტის (PM) გუნდი შედგება 3-4 ახალგაზრდისგან, რომლებიც წარმართავენ აქტივობების ორგანიზების პროცესს (როგორცაა: მოწვეულ სპიკერთან აქტიური კომუნიკაცია, ზუსტი თარიღის განსაზღვრა, აუდიტორიის დარეზერვება, უნივერსიტეტის ადმინისტრაციასთან აქტივობის შესახებ ინფორმაციის განხილვა და შეთანხმება).

3.5 კლუბის პრეზიდენტს ან/და ვიცე-პრეზიდენტებს მოეხსნება უფლებამოსილება:

ა) წინამდებარე წესდებისა და სტუდენტური კლუბის დებულების დარღვევის შემთხვევაში;

ბ) კლუბის წევრებზე ზეწოლის მოხდენის შემთხვევაში;

გ) შეხვედრების 30%-ის არასაპატიოდ გაცდენის შემთხვევაში;

დ) ეთიკის ნორმებისა და შინაგანაწესის დარღვევის შემთხვევაში;

3.6 სამეცნიერო კლუბების შეკრებათა განრიგი და დღის წესრიგი განისაზღვრება წინასწარი სამუშაო გეგმით.

4. კლუბის წევრობა

4.1. კლუბის წევრი შეიძლება გახდეს აღმოსავლეთ ევროპის უნივერსიტეტის მაღალი აკადემიური მოსწრების აქტიური სტატუსის მქონე, მოტივირებული საბაკალავრო, სამაგისტრო, ერთსაფეხურიანი და სადოქტორო პროგრამის ნებისმიერი სტუდენტი ან კურსდამთავრებული, ვისაც აინტერესებს ფსიქოლოგიური საკითხები და სურს, გაიღრმავოს ცოდნა ამ მიმართულებით;

4.2 კლუბის წევრთა რაოდენობა არ უნდა იყოს 5 წევრზე ნაკლები;

4.3 კლუბში გაწევრიანებისთვის საჭიროა მსურველმა პირმა შეავსოს „კლუბში გაწევრიანების ელექტრონული აპლიკაცია“ (იხ. ბმულზე: <https://www.surveymonkey.com/r/RWT3XTN>)

4.4 კლუბში გაწევრიანების და კლუბიდან გარიცხვის საკითხს წყვეტს კლუბი, სრული შემადგენლობის უმრავლესობით;

4.5 კლუბის წევრის უფლებამოსილების შეწყვეტის საფუძვლებია:

ა) წინამდებარე წესდების, სტუდენტური კლუბის დებულების, კვლევის ეთიკისა და კეთილსინდისიერებისა და შინაგანაწესის უხეში დარღვევა;

ბ) 6 თვის განმავლობაში ფსიქოლოგიის სფეროში არანაყოფიერი საქმიანობა;

გ) სხვა უმაღლეს საგანმანათლებლო დაწესებულებაში გადასვლა ან სტუდენტის სტატუსის შეწყვეტა;

დ) პირადი განცხადება

ე) შეხვედრების 50%-ის არასაკატიოდ გაცდენა;

4.6 კლუბის წევრის უფლებები:

ა) მონაწილეობა მიიღოს კლუბის საერთო საქმიანობაში;

ბ) შესაძლებლობების ფარგლებში ისარგებლოს კლუბის სარგებლობაში არსებული ინფორმაციით და ტექნიკური საშუალებებით;

4.6 კლუბის წევრის ვალდებულებები:

ა) დაიცვას კლუბის წესდება, კლუბის დებულება და წევრთა უმრავლესობის მიერ მიღებული გადაწყვეტილებები;

ბ) დაიცვას ეთიკის ნორმები და დაემორჩილოს შინაგანაწესს;

გ) აქტიურად მონაწილეობდეს კლუბის მუშაობაში (მათ შორის, შეხვედრებზე დასწრება, პრეზენტაციების მომზადება და დისკუსიაში ჩართულობა და სხვა);

4.7 სტუდენტურ კლუბში გაწევრიანებული არის მოტივირებული პირი, რომელიც შეიძლება იყოს ერთდროულად არაუმეტეს 3 კლუბის წევრი.

5. კლუბის უფლებამოსილება

5.1 კლუბი უფლებამოსილია:

- ა) განსაზღვროს კლუბის მუშაობის დღის წესრიგი და გაუწიოს ორგანიზება;
- ბ) განახორციელოს კლუბის პროფილიდან გამომდინარე თემატური ღონისძიებები;
- გ) ღონისძიების შესახებ ინფორმაციის გავრცელების მიზნით 10 სამუშაო დღით ადრე მიაწოდოს ინფორმაცია სტუდენტური კლუბის მხარდაჭერისა და განვითარების საბჭოს;
- დ) განახორციელოს ერთობლივი ფსიქოლოგიის მიმართულების პროექტები მსგავსი პროფილის სხვა კლუბთან ერთად;
- ე) შეარჩიოს პროექტები საგრანტო კონკურსზე გასატანად;
- ვ) ორგანიზება გაუწიოს სტუდენტთა დისკუსიებს ფსიქოლოგიის სფეროში აქტუალურ საკითხებთან დაკავშირებით.
- ზ) მოისმინოს კლუბის წევრთა მოხსენებები;
- თ) საბჭოსთან შეთანხმებით მოიწვიოს გარეშე პირი საჯარო ლექციის, ტრენინგის ჩატარების მიზნით;
- ი) კონკურსის გზით შეარჩიოს კლუბის ახალი წევრები და ყოველსემესტრულად წარუდგინოს ინფორმაცია საბჭოს;
- კ) კლუბის მიერ განხორციელებულ აქტივობებში ჩართოს კურსდამთავრებულები, სტუდენტები.
- ლ) საბჭოს წარუდგინოს კლუბის მუშაობის შესახებ წლიური ანგარიში;

მ) დაიცვას და განახორციელოს წინამდებარე წესდებით, სტუდენტური კლუბის დებულებით განსაზღვრული კლუბის საქმიანობასთან დაკავშირებული სხვა ფუნქციები.

6. კლუბის უფლებამოსილების შეჩერება/გაუქმება

6.1. კლუბის რეგისტრაციას/გაუქმებას წყვეტს საბჭო, დამფუძნებელთა მიერ ამ დებულებით განსაზღვრული წესით შევსებული მიმართვის საფუძველზე ან იმ შემთხვევაში, თუ კლუბმა დაარღვია საკუთარ უფლებამოსილებები, ან უკანასკნელი სემესტრის განმავლობაში კლუბს აქვს დაბალი რეიტინგი (0-10). კლუბის გაუქმების ნაცვლად შეიძლება საბჭომ განიხილოს მმართველი რგოლის შეცვლის საკითხი.

6.2. სტუდენტური კლუბის საქმიანობის დებულებით დარღვევის შემთხვევაში შესაძლებელია კლუბისათვის საქმიანობის უფლების შეჩერება ერთიდან ექვს თვემდე ვადით;

7. ფინანსები და რესურსების მართვა

- 7.1. კლუბს შეუძლია მიმართოს ფინანსური მხარდაჭერის მიზნით უნივერსიტეტს კლუბის მიერ დაგეგმილი ღონიძიების განხორციელების მიზნით;
- 7.2. კლუბი ვალდებულია პატივი სცეს უნივერსიტეტის ფინანსურ პოლიტიკასა და გამოიყენოს ფინანსები მიზნების შესაბამისად;

8. დასკვნითი დებულება

- 8.1 წესდებაში შესწორების შეტანას და წესდების შეცვლის საკითხს კლუბის პრეზიდენტის წარდგინების საფუძველზე განიხილავს კლუბების მხარდაჭერისა და განვითარების საბჭო და დასამტკიცებლად წარუდგენს უნივერსიტეტის რექტორს.
- 8.2 წესდების დამტკიცებას, მასში ცვლილებისა და დამატების შეტანას ახორციელებს უნივერსიტეტის რექტორი უნივერსიტეტის დებულების, სტუდენტური კლუბის დებულების და სხვა სამართლებრივი აქტებით დადგენილი წესით.
- 8.3 წესდება ამოქმედდეს მისი დამტკიცებისთანავე.